

Onderhawighe motie wordt met 7 stemmen vóór 0 tegen, Motie I
aangenomen.

Eilands raadverg. d.d. 26 feb'19.

Voorzitter,

Griffier,

MOSHON

Griffie ER Bonaire

Ingek.: FEB 26 2019

Volgnummer: 2019002195

Griffier: | Uitv.:

Konseho Insular di entidat públiko di Boneiru den reunion públiko dia 26 di febrüari
2019.


Konsiderando

- Ku den reunion públiko dia 29 di yanüari 2019 Konseho Insular di Boneiru a bai di akuerdo ku e ordenansa di tráfiko nobo pa Boneiru;
- Ku e lei di ordenansa di tráfiko nobo pa Boneiru na ougustus 2019 efektivamente lo drenta na vigor;
- Ku despues di aprobashon di e ordenansa nobo di tráfiko di Boneiru inkietut a lanta den nos komunidad boneriano;
- Ku e komoshon menshoná ta trata e interpretashon di artíkulonon 85,86, 87, sub 3 di e ordenansa ku ta rigi e porsentahe di penetrashon di lus visibel di tur bentana i glas di un vehíkulo motorisá;
- Ku e artíkulonon menshoná di e lei ta regla ku sin eksonerashon no por baha penetrashon di lus visibel pa ningun bentana i glas di un vehíkulo bou di e norma stipulá den lei ku ta 70%;
- Ku Konseho Insular ta na fabor pa baha e penetrashon di lus visibel pa e bentanan patras i glas di un vehíkulo motorisá;
- Ku e winshil, e betananan banda di shofür i pasahero lo mantené penetrashon di lus visibel na e nivel ku lei ta stipulá ku ta 70%;
- Ku Frakshon di FSP a hasi un proposishon pa un kambio di e lei di tráfiko por eskrito (archiefnr.2019001977) pa baha e penetrashon di lus visibel pa e bentananan patras te na 55% di penetrashon di lus visibel ku ta igual ku e norma na Hulanda Oropeo;
- Ku no tin estudio hasí riba e posibel efekto pa ku siguridat ora kore anochi si e penetrashon di lus visibel pa bentananan di vehíkulo motorista ta 35%;
- Ku pa hasi kambio den un lei conforme artíkulo 150 di WolBES Kolegio Ehekutivo mester duna su komentario i opinion riba esaki;
- Ku ta deseabel pa Kolegio Ehekutivo duna su komentario i opinion riba e proposishon pa un kambio di e lei di tráfiko (archiefnr.2019001977) mas pronto posibel òf alomenos promé ku e lei di tráfiko drenta na vigor;

Ta disidí:

1. Instruí gezaghèber i Kolegio Ehekutivo di Boneiru pa hasi un estudio riba seguridat i grado di penetrashon di lus visibel di bentana i glas di un vehíkulo motorisá;
2. Instruí gezaghèber i Kolegio Ehekutivo di Boneiru pa por duna komentario i opinion konforme artíkulo 150 di WolBES riba proposishon di kambio di lei di FSP pa asina Konseho Insular por tuma un desishon alrespekto promé ku e lei di tráfiiko drenta na vigor.

I ta pasa pa órden di dia.



R.Ch. Beukenboom